
YOSH TADBIRKORLAR UCHUN “BIZNES KOUCHING” O‘TKAZILADI

Uchko‘prik tumanidagi O‘zbekiston Respublikasi Bosh vazirining tadbirkorlar murojaatlarini ko‘rib chiqish qabulxonasida tadbirkorlar jamoatchilik kengashining yig‘ilishi bo‘lib o‘tdi.

Unda tuman hokimi Akmaljon Mahmudaliyev, Bosh vazir qabulxonasi mutasaddilari va jamoatchilik kengashi a‘zolari ishtirok etdi.

Uchrashuvda yoshlarni tadbirkorlikka keng jalb qilish, ularda tadbirkorlikka oid bilim va ko‘nikmalarni shakllantirish, bandligini ta‘minlash, imtiyozli mikro kreditlar olishida ko‘maklashish, uy mehnati va kasanachilikni, ishlab chiqarishni rivojlantirishda tajribali tadbirkorlarning ko‘magi muhim ahamiyatga ega ekanligi ta‘kidlandi.

Joriy yilning 14 mart kuni ishsiz yoshlarga kasb-hunar o‘rgatish va ularni ijtimoiy faollikka yo‘naltirish, ularda biznes yuritish ko‘nikmalarini shakllantirish maqsadida “Biznes kouching” o‘tkazilishi belgilab olindi.

Ilk marta tashkillanayotgan “Biznes kouching”da tajribali tadbirkorlar va mutaxassislar yoshlarga tadbirkorlik faoliyatiga oid qonunlar, biznes-reja tuzish va uni amalga oshirishda bank kreditlaridan foydalanish kabi masalalar yuzasidan tushuncha va tavsiyalar beradi.

2020-03-10 18:07:31